

20/12/1998

Peserta Felcra dapat dividen RM155 juta

KUALA LUMPUR: Seramai 64,000 peserta Felcra seluruh negara menerima dividen berjumlah RM155 juta daripada Perdana Menteri, Datuk Seri Dr Mahathir Mohamad, di sini semalam.

Cek replika dividen itu disampaikan Dr Mahathir kepada Ketua Peserta Felcra Seberang Perak, Talib Azhar, yang mewakili peserta Felcra pada majlis Cinta Negara Warga Desa di Pusat Dagangan Dunia Putra (PWTC).

Dividen itu adalah hasil daripada aktiviti ladang milik Felcra Bhd yang berjumlah 148,000 hektar. Peserta Felcra itu akan menerima antara RM1,000 dan RM4,000 seorang, bergantung kepada pegangan saham masing-masing.

Ini adalah kali pertama peserta menerima dividen sekali gus dalam setahun, berbanding dua kali setahun sebelum ini.

(END)